

Bájkkeavijssa NuorttaSálto

Divtasvuona álmukgirjjevuorkká:

Stuorra ávdedibme sáme girjálásjuodas ja duojes

Tæksta/Gává: Ingar N. Skogvold
Járggálibme: Idar Kintel

Divtasvuona álmukgirjjevuorkká le mañemus ájgijn állo rudájt adnám vædtsagijda, duodjáj ja sáme girjálásjuohtaj. Girjjevuorkkáojvve Magny Lunn Johansen subtsas oasstám li monterav girjebussaj ja vitrineskáhpajt girjjevuorkká-ássudagájda Ájluovtan ja Gásluovtan. Dánna duodje iesjgeñga duodjárijs Divtasvuonas, Råmsås ja Ájtes Svierigin vuoseduvvá.

Gistov li aj oasstám duodje vuorkudibmáj, majt skávlá ja mánárgárde bessi luojkkat sáme kultuvra bargadahttij. Sávadi dáv tjektaj áttjudit. Dáj dájmaj baktu sávadi tjalmostit ja ávddánbuktet oasev sáme kultuvras.

Lasedibme sáme girjálásjuodas, filmajs ja musihkas

Áttjak oastedum hilldujn gávnnu viehka

á llo sáme girjálásjuodas, DVD:a ja CD:a.
- Oasstusa birásti dav majt le máhttelis julevsámegeiellaj gávnnat, oasse nuorttasámegeiellaj, ja vehi oarjel-sámegeiellaj, javllá girjjevuorkkáojvve.
- Dánna li aj girje svieriga ja vuona dárogiellaj sáme ásko, kultuvra ja histávra birra, girje duoje birra ja luondo ja luonndovásádusáj birra sáme guovlojn. Dáj oasstusij lip oadtjum buorep girjjevuorkáfálaldagáv sierraláhkáj sáme

á lmmugij. Girjebussa le vuorodum, valla oasse oasstusij li ássudagájda biejaduvvam. Divtasvuona girjjevuorkán le aktisaj dáhtávuorkká, ja girjjevuorkkásystemma ja internætta sierra máhttelisvuodav vaddá luojkatjit nubbe nuppes dárbo baktu.



Dán giston duojev galggi vuorkudit adnuj duola dagu mánárgárdijn ja skávlájn.

I DENNE KISTEN skal det oppbevares duodje til bruk i for eksempel barnehager og skoler.

Ádá teknihkalasj vædtsaga girjebussaj

Sáme girjebussa uddni gietjav vuona suohkanijt guossit, ja vælggogahtte aktisajbargo baktu gáhtjodum “Ufuohtágirjjevuorká” sávaduvvá Divtasvuodna vásstet sáme girjálásjuodas girjjevuorkkáaktijvuodan. Girjebussaj TV:av duolbasjermajn galggi áttjudit, digitálkámerv ja PC:av adnuj diehto- ja luojkadimbarguj. Gá da li gárvvása de le máhttelis filmajt mánárgárdijda, skávlájdá ja ietjá unnep juohkusijda vuosedit, ja aj filmmiit bájkálasj birrasijt ja duov dáv dáhpádusáv gánná bussa oassálasstá.

Sáme subtsasav drámátiserit

Girjjevuorkká le oadtjum Sissel Horndalav Oarjjevuodas sáme subtsasav dramatiseritjit. Doahko ja kulissa li gárvvása, ja gidáj le ájggomus subtsastidde Eirin Edvardsen, sán aj Oarjjevuodas galggá subtsasav girjebussa lávdagoaden subtsastit. Navti de sihti tjalmostahttet sáme subtsasijt sjadde buolvvaj. Subtsastallam lávdagoaden nanni dábdov dát le sáme kultuvrradáhpádu. Subtsasav ájggu skávlájn Divtasvuonan subtsastit rudáj “kultuvralasj skávlávuossas”. Mañenagi vuosádus fáladuvvá suohkanijda gejt girjebussa guossit. Ja dálla Johansen sávat moattes adnuj vállid girjjevuorká moadda ádá dájmajt ma sáme kultuvrav tjalmostahtti. – Buorisboahthem girjebussaj ja girjjevuorká ássudagájda, hájttá mihás girjjevuorkkáojvve.



Girjjevuorkkáojvve Magny Lunn Johansen vuoset girjjevuorká ádá hilldov dievva girjijs sámegeiellaj ja aj dárogiellaj. BIBLIOTEKSJEF Magny Lunn Johansen viser fram bibliotekets nye reol fylt med bøker både på samisk og på norsk.